

RAHARAH VOLAMENA 73,7 KG

Tsy ho azo amin'ny tsikombakomba ny iraisampirenena

Amin'ny 01 Febroary 2021 no hiakatra fitsarana ny raharaha fanondranana antsokosoko volamena milanja 73 kg mahery, tratra tany Afrika Atsimo, ary any antoerana no ho tanterahina ny fitsarana ireo telolahy teratany malagasy voalaza fa nitondra ireo volamena ireo, satria tsy neken'ny fitsarana any Afrika Atsimo ilay fangatahana ny « extradition », izay nataon'ny fitsarana malagasy, fa dia ho tsarina amin'izay lalàna misy any an-toerana ireo mpiray firenena amintsika tratra any ireo.

Tsy raharahantsika malagasy sy Afrika Atsimo irey intsony iny fanondranana antsokosoko iny, fa tonga dia nampihetsika an'izao tontolo izao, satria samy nandray ny andraikiny avokoa ny Interpol, ny Cia Amerikana, ry zareo Frantsay, ny Japoney, satria mazava ny momba ny ny fanondranana antsokosoko dia manimba ny tsena iraisampirenena, izay efa misy lamina napetraka sy nifanarahana amin'ny fifanakalozana eo amin'ny firenena vonona hihary amin'ny ara-dalàna. Ny fitondrana dia nandefa mpahay lalàna tany Afrika Atsimo, nandaniana volabe satria fiaramanidina manokana no nofaina nitondra azy ireo, raha ny vaovao azo anefa dia tsy nahomby ny dian'ireto nosandaina volabe ireto, Ingahy Minisitry miadidy ny Fitsarana dia nanambara, fa mbola mitohy hono ny fifampiresahana.

Ny ankabeazan'ny vahoaka malagasy dia efa leon'ny gaboraraka ary tsy mahatoky intsony ny fitsarana eto Madagasikara, noho izany dia tsy marisika amin'izany resaka « extradition » izany, satria ho faty momoka io raharaha io raha vao eto amintsika no atao ny fitsarana. Miandrindra ny fandraisan'andraikitry ny avy any ivelany amin'ny malagasy, satria efa azo an-tsaina fa tsy handaitra amin'ireo any amin'ny sehatra iraisampirenena ny tsikombakomba sy ny famonoana afo ataon'ny fitondrana.

Betsaka ny azo anamarinana ny fijoroana sy ny fahasahian'ireo tompon'andraikitra any ivelany.

- Ny « Interpol », arak'izany anarany izany dia polisy iraisampirenena, vonona hikoroka hatramin'ny farany ny tena rangery fototry ny afo, ary azo antoka fa ho tonga aty amintsika ny « Interpol » hanao ny fanadihadiana ifotony, fa sanatria tsy toy ireny polisy matin-kaninkely ireny, azo tampenam-bava amin'izay voatsirambin'ny tanana.

- Ny « CIA na Central Intelligence Agency », sampampitsikilovana amerikana indray dia manana ny fahaizamaonany amin'ny fikarohana ny miaina rehetra, ny anarany rahateo efa misy hoe « intelligence », tsy ho dondrona mihitsy ny olona ampiasainy, ho tonga aty amintsika, koa ny olon'izy ireo hanadihady akaiky, ha-

namafy ny fikarohana izay inoana fa efa nataony tamin'ny fitaovana avo lenta, io « CIA » io dia sampam-pitsikilovana any Etazonia tsy miankina amin'izay antoko mitondra any. Eny fa na dia anisan'ireo niarahaba voalohany ny Filoha Amerikana vaovao Joe Biden aza Ingahy Filoha malagasy Andry Rajoelina dia tsy misakana ny « CIA » amin'ny fanaovana ny asany izany, ny teny filamatra fampiasan'ny amerikana rahateo amin'ny fianianana ataon'ny Filohampirenena, toy ny amin'ny alarobia 20 Janoary 2021 izao dia mivaky hoe : « In God we trust », izay adika amin'ny teny malagasy hoe « ny herin'Andriamanitra no itokianay », ny dikan'izany tsy ho azo rebirebena mihitsy amin'ny fikarohana ny marina ny « CIA ».

- Ry zareo frantsay indray na dia fantatra aza fa be dia be ny dian-tanany tamin'ny nahatonga an'Ingahy Filoha teo amin'ny toerany dia ho sarotra ho azy ny hidibingo hiaro ny efa ratsy, sady efa mazava koa anie f'Ingahy Sarkozy izay nanampy an'Ingahy Filoha tamin'ny fanonganam-panjakana sy tamin'ny fifidianana tamin'ny 2018 ary tonga teto amintsika mihitsy ny vatatenany tamin'ny Sabotsy 19 Janoary 2019 nanatrika ny fametrahana ny filoha ankehitriny teo Mahamasina, dia efa fantatra ny manjo azy any Frantsa amin'izao fotoana.

-Ny Japoney indray dia azo antoka ny fahasahiany mijoro satria tsy voafatopatotra amin'ny resaka politika, fa ny fantatr'izy ireo dia tsotra ihany dia ny fampiharana ny fahamarinana eo amin'ny lafiny fihariana sy fifanakalozana, aoka tsy ho hadinoina fa mandray anjara be dia be amin'ny famatsiana ny « BAD na Banky Afrikana momba ny Fampanandroana » ry zareo japoney, ka mankahala ny kolikoly indrindra f'izay miseho aty Afrika.

- Mikasika ny mpitondra any Afrika Atsimo dia tsy mampino ny ho voarebirebin'ny mpitondra malagasy, satria manana ny mampiavaka azy manokana ry zareo, noho izy firenena goavana indrindra aty amin'ny kaontinanta afrikana, ary mahasahy mirehareha eo anatrehan'izao tontolo izao fa nahavita nandresy ny « Apartheid », teo ambany fitarihan'i Nelson Mandela, dia izy ireo indray ve no hivarolavo hanome lanja ny kolikoly ?

Ny azo amehazana azy dia azo antoka, fa tsy handeha lalana ny resaka mampandry adrisa ataon'ny fitondrana any amin'ireo firenen-dehibe, izay efa mahalala fa tsy nandeha araka ny tokony ho izy ny fitantanana ny fanampiana tamin'ny fiatrehana ny koronavirusy, ka dia samy ahita ny tohiny isika satria "misy raha la terre".

Ny Valosoa

Fitondrana Rajoelina sy ny forongony

Aza lalavina ny ain'ny vahoaka Malagasy

Fitondrana Rajoelina sy ny forongony, aza lalavina ny ain'ny vahoaka Malagasy, hoy ny tao amin'ny fandaharana iarahana'ireo Radio tsy miankina, na ny fandaharana Miara-Manonja. Raha tsy olona vonona hamono ve dia hanafatra fitaovampiadiana raitra toy ireny nasehon'ny filoha Andry Rajoelina tao amin'ny CCI Ivato ny volana novambra 2018, fony izy mbola kandida, sy tamin'ny matson'ny 26 jona ireny. Mbola ho hita amin'ny alatsinainy 18 janoary ho avy izao ao amin'ny lapan'Anosikely ny tatitra amin'ny mpanao gazety, izay ho ataon'ny lohola amperinasa ankehitriny. Tsiaviavina fa nanangana vaomiera manokana efa izy ireo nentina nanadihadiana raharaha efa dia: ny resaka 'doublons' tamin'ny fandrafetana ny lisi-pifidianana, ny resaka fanampiana ivelany amin'ny 'coronavirus', ny resaka

vonoan'olona tany Farafangana ary ny fampidiana fitaovam-piadiana tsy ara-dalàna. Dia ho hita eo izany amin'ny herinandro ho avy. Voaresaka tao amin'ny fandaharana ny fiverimberenan'ny fomba filalaovan'i Andry Rajoelina ny ain'ny Malagasy, raha tsy hilaza ny famporisihana nataony tamin'ny taona 2009, ireny nanosika vahoaka hanani-dapa hiditra faritra mena ireny. Olona maro no namoy ny ainy ary na dia nafatratra tany amin'ny filoha Ravalomanana aza ny andraikitra dia fantatra fa efa tsikombakomba izay nanomana olona ivelan'ny lapa hitifitra ireto vahoaka. Mbola hivoaka ny marina rehetra. Dia hitantsika iny indray ny fitaovam-piadiana raitra nampidirina teto antoerana, tsy fantatra hoe tamin'ny fomba manjavozavo, nentina nilazana fa hiadivana amin'ny dahalo. Kanefa roa taona mahery

nitondrana izao i Andry Rajoelina, fa dia olona mitsoa-ponenan'ny asan-dahalo sy ny mosary no zava-mitranga. Tsy hita eny amin'ny toerana fanafihan-dahalo mihitsy ireny fitaovam-piadiana raitra ireny, fa ety an-tanàn-dehibe no entina ampitahorana ny vahoaka sy andrahonana ny mpanohitra. Mbola tsikaritra indray izany filalaovana ny ain'ny Malagasy izany amin'ny fitantanana ny ady amin'ny 'coronavirus'. Voalohany aloha dia fahadi-soana lehibe ny tsy nanidiana ny sisintany, ka namelàna ny olona nitondra ny valanaretina hiditra teto amin'ny firenena. Niparitaka tany anaty ny tambazotra serasera ny isan'ny antony tamin'izany, dia ny famelàna ny fianakavian'ny akama akaikin'ny filoha hiverina avy any an-dafy, izay nanatrika fanambadiana. Fa dia nitohy ihany izany tamin'ny fanaovana 'bi-

zina' ny 'coronavirus', ka namoronana ity 'COVID-Organics' na 'CVO' ity, nampisotroana ny rehetra sy nanerena ny ankizy tany am-pianarana. Tsy hita izay vokany, fa mbola eo ihany ny aretina, izay nodradradrainy fa voafehy. Ankehitriny dia anaovana dokam-barotra indray ny 'CVO+', hampandehana ny orinasa Pharmalagasy, izay tsy mazava koa ny fananganana azy. Lavonavonana ny fanampiana ataon'ny firenena ivelany amin'ny vakisiny. Mandeha ny eritreritra tamin'ireny vanim-potoana namoriana olona ireny, toy ny mpanakanto 'Jerusalem' nafarana hanao fampisehoana, izay namory olona aman'hetsiny. Tsy nisy ny aro vava ary nitety tanàna nifanoroka tamin'ny olona maro. Tsy nisy ny fampitandremana avy tamin'ny fitondrana, fa toa namporisihana aza ny vahoaka hifanosona. Toy izany koa tamin'ny fi-

Ny Valosoa sy fakafaka

Fitondrana Rajoelina

Toa mpitsabo ao aorian'ny fahafatesana hatrany

N'inona n'inona ambaran'ny fitondrana, dia tsy mahafehy ny fiainana ara-tsosialin'ny vahoaka malagasy izy. Nataony nahita ny tsy fahitany ny vahoaka amin'ny vidim-bary, izay tsy nisy vidiny nidangana toy izao. Ary ilay tena lesoka, dia ilay vary gasy mampiavaka ny sakafio malagasy mihitsy no tena midangana ny vidiny. Tsy mbola nisy an'izany 800 Ar hatramin'ny 1000 Ar izany ny kapoaka, ary tonga mananika hatrany amin'ny 3000 Ar ny kg teto amin'ity firenena ity. Miavaka tokoa miohatra amin'ny fitondrana rehetra hatramin'izay ity fitondrana ity ary manao ny tsy nataon'ny teo aloha. Ity fitondrana ity dia mby amin'izay fitenenana adika malalaka hoe "Mpitsabo aorian'ny fahafatesana". Efa omby loha ny rovitra vao mikoropaka, fa fony mbola omby tondro tsy taitra. Tsy mifanaraka amin'ny toe-tsaina sy fomba fiasana tena mpitondra marina anefa izany. Ho an'ny tena mpitondra mahay mitondra ny firenena dia mahay mijery izay mety hiseho ary misoroka ny olana mety hipoitra amin'ny ho avy eo anivon'ny firenena tantaniny, "gouverner, c'est prévoir". Tsy natao ho mpitondra ny tsy manana an'izany toe-tsaina izany, fa litanian'ny mpitondra izany.

Tsy tokony hiseho intsony eto amin'ny firenena ity, raha tena mpitondra manao ny asany tokoa, ireny hetsika fitokonana etsy sy eroa ireny mitaky ny zavatra tsy azony na ny manjo azy. Mahavariana fa miverimberina mandrakariva, ohatra, ny hetsiky ny mpianatra eny amin'ny Oniversité na ambaratonga ambony, ny mpiasa samihafa toy ny ao amin'ny orinasa kraoma, hatramin'izao efa andro maromaro izay ny fitakiana ataon'ireo mpiasam-panjakana misahana ny asa na ireo inspektora; ny an'ny mpitsabo mpanampy na paramed efa ela izay fitarainana izay, fa tsy hita izay valiny araka ny nambaran'izy ireo, ny adidy sy andraikitra eto amin'ny firenena miatrika ny fihanaky valanaretina anefa tsy maintsy atao. Santionany ihany ireo mitranga eo anivom-piarahamonina ireo.

Ny mahavariana amin'ity fitondrana ity, dia tsy ilay tena andrasan'ny vahoaka maika no ifotorana mafy, fa zavatra hafa. Vokany, lasa misy vahoaka mandao na mitsoa-ponenan'ny mifindra monina eto amin'ny firenena. Ary tsy vitsy io fa aman-jatony maro satria tsy azo iainana intsony ny tany fonenan'izy sy ny razany hatramin'izay. Tsy mbola fahita hatramin'izay izany, fa mafy ho an'ny Malagasy ny mandao ny tanindrazany izany, fa voatery sy tsy fidiny aminy. Tsy mba nifotorana mantsy izany raha vao nandray ny fitondrana, ary tsy mba novinaina mialoha hoe mety hiseho. Mariky ny tsy fahafehezina fitantanana firenena izany. Ary ny manahirana ny sain'ny mpandinika maro, dia ny fahadi-soana sy ny tsy fahombiazana ailika hatrany any amin'ny hafa.

Sôh'son

haonan'ny Barea izay natrehan'ny filoha Andry Rajoelina izy tenany mihitsy, tsy misy aro vava. Dia mbola nisy koa ny fampisehoana tao Antsonjombe. Dia lasa ny eritreritra hoe tsy famonoana olona ve izao ataon'ny filoham-pirenena izao hoy ireo mpanao fanadihadiana tao amin'ny Miara-manonja? Efa nisy ny nilaza fa mpamono olona ny fitondrana Andry Rajoelina tamin'ireny fampitangoronana olona ireny tamin'ny volana aprily 2020, ary fanagadrana mpanao gazety indray no setrin'izany, fa tsy fanamboarana ny tsy mety. Hatramin'ny oviana no mbola ilalaovan'i Andry Rajoelina sy ny forongony ny ain'ny Malagasy. Rehefa voafehiny angaha ny lalàna sy ny herimpamoretana dia heveriny fa tsy maty manota mandrakizay izy ireo? Tsy misy antoerana hoy ny talen'ny seraseran'ny fiadian'ny repoblika, Rinah Rakotomanga. Fa hoy kosa ny tale lefitry ny Central Intelligence Agency (CIA: mpitsikilon'ny be kintana), izay tonga manampy ny Interpol (Polisy iraisampirenena) amin'ny resaka fanondranana volamena antsokosoko hoe: ampy izay fiharetana izay manolona ny fanaovan'ireo mpitondra ao amin'ny faritra atsimon'i Afrika ampihimamba, sy ny heloka ara-toekarena izay nampahantra ny mponina sy nampivadika ambony ambany ny toe-karena erantany. Fanontaniana mipe-traka amin'izao ho an'ny fitondrana Rajoelina sy ireo forongony: "Mbola ho lalavina areo ela ve ny ain'ny Malagasy?"

Ny Valosoa